

四庫全書

子部

欽定四庫全書

子部

普濟方卷二百七十三

詳校官太醫院吏目臣周世泰

編修臣倉聖脈覆勘

總校官中書臣朱鈐

校對官中書臣潘庭筠

謄錄舉人臣史堂

欽定四庫全書

普濟方卷二百七十三 明

周王朱橚 撰

諸瘡腫門

諸疔瘡

附論

夫稟形之類須存攝養將息失度百病萌生故四時代
謝陰陽遞興此二氣更相擊怒當是時也必有暴氣夫
暴氣者每歲之中必有卒然大風大霧大寒大熱若不
及避人或遇之此皆入人四體頓折皮膚流注經脉遂

使腠理壅隔榮衛澁滯陰陽之氣不得宣泄變成癰疽
疔毒惡瘡諸腫至於疔腫若不預治人死不逮及至著
急乃欲求方其人已入木矣所以養生之士須早識此
方凡是瘡瘍無所逃矣○凡療疔腫皆刺中心至痛又
針四邊十餘下令血出去血敷藥藥氣得入針孔中住
若不達瘡內療不得力○又其腫好著中頰邊舌上晃
赤黑如珠子碇痛應心是也是秋冬寒毒久結皮中變
作此疾不即療之日夜根長流入諸脉數道如箭入身

捉人不得動搖若不慎口味房室死不旋踵○一曰麻
子疔其狀肉上起頭大如黍米色稍黑面邊微赤多癢
忌食麻子及衣布并入麻油中行○二曰石疔其狀皮
肉相連色烏黑如黑豆甚硬刺之不入肉內陰陽微疼
忌瓦礫磚石之屬○三曰雄疔其狀胞黑頭靨四畔仰
瘡胞漿起有水出色黃大如錢孔形高忌房事○四曰
雌疔其狀瘡頭稍黃向裏壓亦似灸瘡四畔胞漿起心
凹色赤大如錢孔忌房事○五曰火疔其狀如湯火燒

灼瘡黑壓四邊有胞漿起如赤粟米忌火灼爍○六曰
爛疔其狀色稍黑有白癰瘡中潰潰則有膿水流出瘡
形大小如匙面忌沸熱食爛臭物○七曰三十六疔其
狀頭黑浮起形如黑豆四畔起大赤色今日生一明日
二後日三乃至十若滿三十六藥所不能治如未滿三
十六者可治俗名黑胞忌嗔怒蓄積愁恨○八曰蛇眼
疔其狀瘡頭黑皮上浮生形如小豆狀似蛇眼大體硬
忌惡眼看并嫉妬人見之及毒藥○九曰鹽膚疔其大

如匙面四畔皆赤有黑粟粒起忌食鹹物○十曰水洗
疔其狀大如錢形或如錢孔大瘡頭白裏黑膿汁出中
硬忌飲漿水水洗渡河○十一曰刀鑱疔其狀瘡濶狹
如薤葉長大一寸左側肉黑如燒灼忌刺及刀鑱切割
針刃所傷可以藥治○十二曰浮漚疔其狀瘡體曲圓
少許不合長而狹如薤葉大肉黃外黑黑處刺不痛肉
黃處刺之則痛○十三曰牛拘疔其狀肉皰起掐不破
○十四曰紅絲疔其狀如紅線初起手足漸漸沿長入

腹即死此疔治法最易但於明處仔細尋其紅絲以針挑斷著小艾炷灸一壯無事○十四種瘡初起必先痒後痛先寒後熱熱定則寒多四肢沉重頭痛心驚眼花若大重者則嘔逆嘔逆者難治其麻子疔一種始末為痒所錄忌者不得犯觸犯觸者難療其浮瀝疔牛拘疔兩種無所禁忌縱不療亦不能殺人其狀寒熱與諸疔同皆以此方療之若不失欲和犯觸之狀但脊強瘡痛極甚不可忍者是也○夫疔瘡者以其瘡形如疔蓋之

狀者是也氣客於經絡五臟內蘊毒熱初生一頭凹腫
痛青黃赤黑無復定色便令煩燥悶亂或憎寒頭痛嘔
吐心逆以針刺瘡不痛無血是其候也其候本因甘肥
過度不慎房酒以邪毒蓄結遂生疔瘡內經曰膏粱之
實足生疔瘡此之謂也其治之法急於艾炷灸之若不
覺痛者針疔四邊皆令血出以面瘡縫子從針孔縫之
上用膏藥貼之仍服五香連翹湯漏蘆湯等疎下之為
効若或針之不痛無血者以燒猛火鐵針通赤於瘡上

烙之令如焦炭取痛為効亦絳前鋌子用膏藥貼之經一二日膿潰根出服托裏湯散依常療之以取平復若針不痛其人眼黑或見火光者不可治也此邪毒之氣入臟腑故也養生方云人汗入食肉食之則生疔瘡不可不慎也○疔腫者由風邪毒氣入於肌肉所生也凡有十種一者瘡頭烏而強凹二者瘡頭白而根實三者瘡頭如豆並色四者瘡似葩紅色五者瘡頭內有黑脉六者瘡頭赤紅而浮虛七者瘡頭葩而黃八者瘡頭全

薄九者瘡頭如茱萸十者瘡頭如石榴子亦有初如風
癬搔破青黃汁出裏有赤黑脉而小腫而有全不令人
知忽衣觸手摸著則痛若故取便不處亦有肉突起如
魚眼之狀赤黑慘痛徹骨九結皆變至爛瘡瘡下深孔
如大針穿之狀疔瘡含蓄毒氣突出兩寸痛痒異常一
二日間害人甚速是尤在癰疽之上也內經以白疔發
於右鼻赤疔發於舌根黃疔發於口唇黑疔發於耳前
青疔發於目下蓋取五色之應五臟各有所屬部位而

已然後肩或腰或足發無定處在手足頭面骨節間者
最忌大抵瘡頭黑破如釘四畔帶赤如火盤根突起隨
變焦黑未幾腫大而光轉為濕爛孔透肌如大針穿之
狀外怔心驚頭痛拘急惡寒四肢痛強或寒熱交作頰
舌間赤黑點點如珠若毒入腹心則煩悶嘔逆恍惚癡
眠其斃可立待也治法以調心氣為上蓋疔瘡蓄毒壅
結於心如茯苓茯神遠志益智蓮子石菖蒲之類佐以
川芎當歸皆舒豁心經之劑也心氣清毒自消散外

所傳者用銷蝕惡肉葷膽礬綠礬鉛霜斑猫等類以餅藥調和而筆傳之爛其肉而後剪隨傳隨爛次第剪平却以生髮蛇皮土蜂窠皂莢刺各燒留性白芨減半并為細末以平瘡口或銷蝕惡肉葷傳之則疼則以排膿內補散多用酒調以醉之又有一種瘡頭黑深形如魚刺破之黃水滲出四畔浮漿是曰魚刺疔瘡其毒尤甚通前治法即癰疽方中萬疾鮮毒丸以清心行血湯使服之以井花水磨傳之實為妙藥

諸瘡莫急於疔瘡有魚眼疔多發於足非在手不能治也
大凡治疔瘡先以搜頭針當刺之直至患者不知痛處
纔引針而出血隨其流則以蟾酥追毒丹納之針孔中
仍以紙燃送下使近痛處其上封以乳香膏四旁腫處
傳以烏龍膏或赤暈傳以鮮毒散三兩日瘡潰拔去
仍覆以乳香膏膿盡生肌並如治癰之法治魚眼疔之
法先以針刺之不痛則瘡根已走矣用療漏瘡之法以
榆皮隨俞穴所往探之榆皮之所不及處之則針破引

榆皮枝而出再自針穴尋若針破出病人知痛血出則
是活肌肉矣即於針瘡納蟾酥丹覆以乳香膏於正瘡
上針孔中納蟾酥丹三兩粒仍覆以乳香膏則其疔瘡
之根即回元所潰而愈○有絲瘡症乃疔瘡之類醫若
不知無治害人最速其瘡生手足間有泡其中或紫
墨色即有一條紅絲迤邐向上而生若至心腹則使昏
亂不救其絲或有生兩條三條者治法以針橫截紅絲
所至之處刺之止使血出以膏傅之更不發動即愈矣

此症得於喜怒不節血氣逆行而生

內翰洪舜俞以惡瘡生上久不治僭

名內疳瘡初如蓮花痔根蒂小兒下垂灰火治法以勾刀決斷其根燒鉄器內七八分赤烙之以止血次以雄黃輕粉粉霜香白芷白飲為散傳其上令病人側卧以槐枝作枕以支其身間毋使口合一兩個時許瘡癰定令病者自便治口得膿便漸治之愈若此証息不治即四邊側漸成肌法用槐枝枕枝起病者牙勿使得合以小鍊去惡肉令盡即撒生肌散止仍用乳香膏護之自非飲時且令病人側卧是其牙頰毋使口合則津液不衝動瘡藥三日後肌肉漸生終可病人自便无所礙矣洪內翰云此証庸醫家不識則死治法以至不救良可惜也此証得之薄勞氣血燼所致

方

蒼耳膏

蒼耳子

合

荊芥子

合

葵子

合

黃蠟

兩

木香

白狗

糞

石長生

當歸

藁本

玄參

丁香

黃

芩

乾馬齒

雄黃

細研末

蝦蟆灰

乳香

研一兩

右細剉以猪脂三斤煎二三十沸濾去滓次下乳香

蠟又煎三兩沸候冷入雄黃蝦蟆灰攪勻以瓦器盛

密封使塗於故帛上日三度換之

千金托裏散

治一切瘡腫發背疔瘡

黃耆

半一兩

厚朴

兩二

川芎

兩一

防風

兩一

桔梗

兩各二

白芷

一連翹

兩二

芍藥

官桂

甘草

人參

兩各一

木香

沒藥

錢各三

乳香

錢二

當歸

錢五

右為細末每服三錢酒一大盞約煎三兩沸和滓溫

服

諸疔瘡方

生髮

拔一丸如雞子大攤在一尺緋絹上

雄黃

一豆許

皂莢刺

二十針

赤

小豆

二十粒

右麤末撒放髮上捲熟緋絹作一團外用髮繩十字
縛定熨斗內烈火燒帶性為末入地骨皮末焙之作
兩服空心酒下

治疔瘡

黃連 羌活 白殭蠶 青皮 獨腳菜 防風

赤芍藥 獨活 蟬蛻 細辛 甘草

各等分

右咬咀每服五錢先將一服入澤蘭葉少許薑十錢
重同搗爛熱酒和服然後用酒水各半盞薑三片煎

服病勢退減後再加大黃少許煎服畧下一兩場湯
去餘毒更用白梅蒼耳子研爛貼瘡上拔去根脚一
方無獨脚菜

返魂丹 治十三種疔瘡

朱砂

膽礬

各一兩半

血竭

銅綠

蝸牛

各一兩生用

雄

黃

白礬

各二兩枯

輕粉

沒藥

蟾酥

各五分

麝香

少許

右為末和搗蝸牛蟾酥極爛和藥時旋入藥內為丸
如雞頭子大每服一九令病人先嚼葱白三寸吐在

手心內將藥丸裹于葱白內用熱酒一盞吞下如重車行五里許有汗出即瘥如不能嚼葱爛令研裹藥

下

曾有一僧貨此藥極有効予合救人累効真妙方也

破棺丹 治疔黃走徹不止

甘草

京三稜

各三兩

山梔子

牽牛

各二兩

地黃

連翹

銀花

牡蠣

赤芍

當歸

各二兩

加大黃

三兩半

右為細末煉蜜為丸如彈子大每服一九用童子小

便化開服之食前忌酒生硬物

紫金膏 治疔瘡

龍腦 輕粉

膽礬

各二錢

沒藥

四錢

乳香

三錢

巴豆

蓖麻仁

研

黃丹

石灰

蕎麥

淋

麝香

少許

右為細末熬五七次灰水與蓖麻子仁熬再與金膏藥

內托連翹散 疔瘡出時皮色不變及不疼痛按搖不動身發寒熱便是此瘡有水魚睛疔紫硯疔諸般疔

瘡如瘡黃上用針刺仍服內托散自然消散

連翹

一兩半甘草

大黃

錢七

薄荷

錢七

黃芩

兩半朴硝

兩

白芷

赤芍

生地

各一兩

黃梔

錢七

右為粗末每服一兩水一碗燈心竹葉煎七分如其人喘加人參少許大病只三四服如服了心煩嘔用不二散佳

不二散

以細甘草半兩豆粉一兩分作二服酸蘤水下

神効回疔膏

治諸般疔瘡惡瘡瘤痔

桑柴 棗 柳柴 谷桿草 施風草 蕎麥稍

各一斤 雞糞 石灰 各四兩 五錢

右除石灰外俱燒灰用滾水淋汁一二碗熬至半盞
用鍋底煤相調成膏如瘡不破將瘡撥破搽之不過
三度瘡疔如熬藥忌婦人雞犬見之并忌諸般惡物
聖力散 治諸疔瘡腫

草烏頭 白芨 白歛 木鱉子 金毛狗脊

地龍錢各二半麝錢半黃丹少

右研為末用針到生肉痛者用藥黃水出為度

奪命丹 治疔瘡發惡心及諸惡瘡

蟾酥

錢半

朱砂

錢三

輕粉

分半

白礬

錢一

寒水石

錢一

銅

錢一

錢一

麝

海羊

二十個

令研

即蝸牛也

右為細末將海羊令研為泥就藥一處九如菜豆大如九不就加好酒成之病輕者一九二九重者三九未効再服服藥法先將生葱白嚼一大口極爛置手

心丸藥合以熱酒送下卧汗出為愈

立馬回疔丹 治疔瘡走徹不止

金脚信 蟾酥 血竭 朱砂 輕粉錢各半 龍腦

麝分一 沒藥錢半

右為細末生草烏頭汁為錠如麥子長大用時將瘡頭刺破將藥一錠放瘡內第二日瘡腫為効

走馬赴筵丹 治疔瘡

沒藥 乳香 硼砂 硃砂 雄黃 輕粉錢各三

片腦一分麝少許

右為細末蟾酥汁為丸如黃米大每服一九用酒送

下

奪命返魂散 治一切疔瘡發寒熱昏悶不語不思飲

食并治之

大黃 連翹 山梔子各二錢半 巴豆 杏仁 加牽

牛頭末 人言五錢用大蒜五個去心填 苦丁香

錢一

右為細末每服重者一錢輕者半錢用新汲水調下見効如病重無脉吃下藥一頓飯時吐了藥醫不得

治疔瘡

蟾酥

半錢

朱砂

三錢

輕粉

半錢

血竭

一錢

蝸牛

免

一十八個

放二三宿

如米黃色研

枯礬

二錢

銅錄

一錢

花藥石

五錢

右為細末蝸牛令研為泥同藥九如不就加清酒和九如菉豆大每服一九生葱三五莖嚼入藥內熱酒送下如行五里汗出為効用青金散塗之勿食冷水

青金散

寒水石二錢 枯礬 銅綠 輕粉 人中白各二錢 麝

蟾酥

右為細末不以多少先用竹針刺破四邊貼藥其疔
瘡自破立効

走馬赴筵丹

金信 雄黃 巴豆 輕粉 朱砂 百草霜各

錢
片腦許少 麝許少

右為細末蟾酥為丸芥子大每服一二丸入消毒丸
三四丸冷水送下六月中伏修合忌雞犬婦人見之
消毒丸

白丁香

二錢

黃丹

一錢

巴豆

一錢

右為細末水打麵糊為丸如蘿白子大每三四丸入
赴筵丹二三丸冷水送下

飛龍奪命丹

天南星

半夏

巴豆

去皮心
各一錢

礞砂

信

黃丹

乳香

班猫

十六個
去翅足麝少

右為細末用五月五日蟾酥和合為丸如黃米粒大
每服三五丸或七丸或九丸隨人虛實加減以無灰
酒送下瘡在上者食後在下者食前服如瘡大者加
丸服藥後忌熱食熱湯冷水一二時辰其瘡并不犯
刀後疔自出无事忌油膩葷腥濕麵五七日服藥後
覺瘡痛皮膚紅是藥之効也如患者昏潰牙關緊者
幹開口灌可治服藥後飲涼酒數口藥疾行也

丁香散 治疔腫等瘡

丁香

七枚

緋帛

曲頭棘刺

臘月大豆黃

各一兩

母

猪屎

八分

鹽

一分

亂髮

一團

蒼耳子

五錢

右將七味以緋帛裹於熨斗內火燒令研為散每服二錢七空心酒下蓋取汗若无汗任飲酒以汗為度奪命丹 治疔瘡毒氣向裏邪氣入內水食不下并皆治之煎治癰疽大有神効

朱砂

膽礬

真血竭

銅錄

各一錢

一

枯白礬

二錢

雄

黃錢

蟾酥

輕粉

各半錢

右為細末麵糊丸如桐子大每服一九先用葱白三寸令病人自嚼碎連藥熱酒送下睡如重車行五里之久汗出或發熱一陣即愈或利為度如病人不能嚼葱搗碎葱白裹藥如前吞服如不省人事幹開口灌之病在上食後服病在下食前服一方用蝸牛一錢生用與蟾酥同搗入

回瘡蟾酥定子

出瘡科精要

治瘡毒氣攻心欲死以針

刺其瘡向心行處但覺痛有血氣下定子若累次止
心則近皆不痛無血者急針百會穴痛有血者下定
子若無血以親人熱血代之猶活三四況瘡初發如
何治之無不効大抵疔瘡生於四肢及胷背頭頂骨
節間惟胷背頭頂最急初生痛痒不常中陷如丁蓋
撼之有根狀熱惡心是也

天南星 款冬花 巴豆仁 黃丹

錢各一

獨活

錢半

白信

錢一

斑猫

去頭足
十個

右為極細末用新蟾酥和藥如黍米大燃作定子每
遇疔瘡先以針刺其瘡有不知痛者有血出者下定
子如覺痛不須再用若更不知痛再所瘡行處迎奪
刺之至有血知痛即止其元瘡亦覺疼痛以膏藥傅
之膿出自瘻用定子法度以銀作細筒子一箇約長
三寸隨針下至瘡痛處後以銀絲於筒內推至痛處
天丁散出瘡科
精要專治一切疔瘡及惡瘡初生以藥塗之
急服托裏內消

雄黃

一兩

香白芷

二錢

牡丹花藥

二錢

牛蒡根

採去皮

天丁

名皂角刺

蒼耳菜

大力子

各半兩

右五月五日受氣修合為細末每用好醋塗紙封之

疔瘡上有黑甲者必須胡桃油浸次塗之自可

赤芍藥散

出濟生拔萃方

專治一切疔瘡癰疽初覺憎寒疼痛

金銀花

赤芍藥

各半兩

大黃

七錢半

枳實

三錢

枯薑

大者

一當歸

甘草

各三錢

右為末水酒各半盞煎至一大盞去滓溫服不計時

候

地骨皮散

出聖濟總錄

專治疔腫

地骨皮

兩半

小麥

麻子

各十粒
燒灰

緋帛

曲頭棘刺

半夏

炒

亂髮

一團如雞
子大燒灰

右研和勻令每服二錢空心溫酒調下至曉再服

蒼耳散

出聖濟總錄

凡疔腫塗傅諸藥後如犯觸者

蒼耳子

二七粒

露蜂房

兩

棘刺

二七

緋帛

方五寸

亂髮

青蒿

二七並

丹砂

一分研別入

右將六味剉碎於熨斗內燒灰細研為散入丹砂末和勻每服二錢空心溫酒調下日曉再服

保生錠子

一名拔毒膏
出神効方

專治疔瘡背疽癰癤一切惡瘡

金脚信

錢二雄黃錢三輕粉

硃砂

錢三麝半錢

巴豆

十四

九個另研文
武泡用尤妙

右為細末用黃蠟五錢鎔開將藥和成錠子冷水浸一時取出旋丸捏作餅子如錢眼大將瘡頂撥開每用點一餅次用神聖膏藥後服十五味千金托裏散

若瘡氣入腹危者服破棺丹上方加蟾酥不用蠟止

為末尤妙

破棺丹

出濟生拔萃方

此即調胃承氣湯煉蜜丸是也

山梔子

牽牛末

大黃

各一兩

甘草

京三稜

各泡

錢七

右煉蜜丸如彈子大酒化服之忌冷水

透骨散

治一切疔腫惡瘡其効不可盡述

蟾酥

錢半

八角兒

五個去殼

硃砂

輕粉

麝

許少

巴豆錢一

去皮

右先將巴豆研如泥次下餘藥同研極細以油紙裹定如有瘡并諸般惡用針微撥破貼藥少許其瘡自消散如不散者亦追瘡毒即得潰塌又如成膿無頭癰疽腫微撥破用藥二次便得自破凡療惡瘡可用牛黃丹

一名枸杞散
出鮑氏方

專治十三種疔

亂髮

雞子大

牛黃

梧子大

反釣棘

二十枚

赤小豆

七粒

緋帛

方一
地骨皮
末二兩

右枸杞具藥蓋有四名春名天精夏名枸杞秋名却
老冬名地骨春三月上建日採根凡四時初逢建日
取葉枝子根等四味并曝乾若得五月五日午時共
和尤為良美如不得依法採者但一種亦得用緋繒
一片以裹藥約取一匝為限亂髮牛黃反鈞棘針末
赤小豆末先於緋上薄布亂髮以牛黃末等藥布上
微曝即捲緋繒作團用頭髮作繩十字縛之熨斗火
炙令沸後間即擣取末再取枸杞四味共和合擣極

細即用絹篩取二匕和合前一匕共為三匕令相得
入分為二分早朝空心用溫酒服一分每日二為之
也

齊州紫堯方

出千金方

大凡是疔腫皆用治之

牡礪

九兩

鍾乳

枸杞根皮

各二兩

白薑石

一斤軟

白英

石

一兩半
桔梗

右各擣篩合和令調先取伏龍肝九升為末先清酒
一斗二升攪令渾澄清取二升和藥捻作餅子大六

分厚二分其濁滓仍置盆中布餅子於籠上以一幅紙籍盆上以泥酒氣蒸之仍數攪令氣散發經半日藥餅子乾乃內瓦罏中每一重紙一重藥遍布勿令相着以泥密封三七日乾以紙袋貯乾處縫之用法針刺瘡中心深至瘡根并刺四畔令血出以刀刮取藥如大豆許內瘡中病重日夜三四度輕者一二度重者二日根爛出輕者半日一日爛出當看瘡浮起是根出之候若根出以爛者勿停藥仍著之藥甚

安穩令生肌易其病在口咽及胃中者必外有種異相也寒熱不快疑是此病或清水和藥如二杏仁許服之日夜三四服自然消爛或以物剔吐根出即瘥若根當看精神自覺醒悟合藥以五月五日為上時七月七日次之九月九日臘月臘日皆可若急須藥他日亦得要之不及良日也修合須清淨處燒香毋令孝子不具足人產婦六畜雞犬等見之凡有此病忌房室猪牛雞魚生韭蔥蒜胡荽酒醋麵等若犯觸

諸忌而發動者取枸杞湯和藥服并如後方二方以
後方最是真本

趙姥方

薑石

二十兩

牡蠣

十兩

茯苓

三兩

枸杞皮

四兩

右四味各搗篩合和先取新枸杞各皮切六升水一

斗半煎取五升去滓內狗屎

崔氏二尿

二升攪令調澄取

清和煎藥熱搗作餅子陰乾病者以兩刃針當頭直

刺瘡痛徹出刮取藥末着急內瘡孔中勿令歇氣并

遍封瘡頭上即脹起針挑根即出重者半日已上或已消爛挑根不出亦自瘥其病在內者外當有腫相應并皆惡寒發熱疑有瘡者以水半盞取藥如桐子大五枚和服之日夜三服自消若根出服藥一日以鷄羽剔吐即隨吐若不出根亦自消爛在外者亦日夜三度傳藥根出常傳勿住即生肉易瘥若犯諸忌而發者取枸杞汁一盞服之日二三服并單飲枸杞汁彌佳又以枸杞汁攪白狗屎取汁服之更良合訖

即用不待乾所言白狗屎是狗食骨其尿色如石灰
故直言白狗屎也如預造取五月五日七月七日臘
月臘日者尤良神驗或有人忽喉中痛乍寒乍熱者
即是其病當急以藥療之無故而痛惡寒發熱者亦
是此病但依前服之立瘥前後二方同一法亦主癰
疽

取疔瘡藥

出千金方

治一切疔腫懸癰

用蒼耳莖根苗但取一束燒為灰醋泔藍靛和如泥

先以針刺瘡口上四邊數下令血出度藥氣可以入
針孔中即出血傳藥乾即易之不過數度即拔根出
其內消已結膿破潰者再不用針刺即以藥塗之余
以忽口角上疔腫造甘子振家母為帖藥經十日不
瘥余以此藥塗之得愈常以此藥救人無有不瘥者
故特以傳後嗣疔腫方殆有千首皆不及此雖齊州
榮姥方亦不能勝此勿造次更易也

又方

出千
金方

用蒼耳草又名半負來草只用根紅軟者搗爛無灰
白酒調勻服次用鹽梅肉研爛以猪膽汁和塗瘡頂
上其毒即散又先用好京墨薑汁研爛用薑片蘸墨
塗四圍腫熱處即効一方止用蒼耳子根葉童子小
便絞取汁令服一升日三或燒灰和臘月猪脂傅一
方苗擣汁飲之澤傳一方或子或葉或根研爛米醋
脚調塗腫立散如已去肉疔了再傅仍研汁服以瘥
為度

治疔瘡

用篁竹筒一個刮去竹青要見竹黃為度兩頭留節只於一頭節上鑽一竅如菜豆大却將菜豆入於筒內令滿舊綿絮些小或用白紙塞其竅用磚一塊繫縛竹筒上又用長繩一條帶墜於寺觀側坑內半年或三月愈久為好却取竹筒洗淨破其竹筒取出豆於長流水洗一日取起候水乾研丸如丁香相似約四分長再陰乾收起如有疔瘡用針於瘡畔鑽一兩

竅將藥疔插入竅內其疔毒自潰而出隨症去毒藥

疔腫方

出本
草

以荊芥一名假蘇為末和醋傅一方切以水五升煮

取二升冷分二服亦辟邪毒氣

治疔瘡腫甚者

出聖
惠方

用附子末醋和塗之乾即再塗

治疔腫方

出本
草

以班貓一枚捻破針刺瘡上作十字封之根乃出

連翹散

連翹 當歸尾 羌活 獨活 防風 赤芍

赤小豆

各五錢

大黃

二錢

木香

茵陳

茯苓

薄荷

紅內消

杜白芷

升麻

甘草

忍冬草

各三錢

不

拘若潮不追加黃芩

梔子仁

各三錢

朴硝

四錢

右為末酒調服不拘時候薄荷湯亦可喘加人參大病三四服愈如嘔甘草五錢豆粉一兩為末酸漿水下如割瘡去了疔子止血用毛鉄甲為末傅

角瘡口方

出危氏方

霜梅

十個

大黃

五錢

右為塊子用石灰炒過去石灰入黃丹為末乾摻瘡上

滴滴金

治疔

硃砂

輕粉

人言

雄黃

朱砂

各一錢

麝香

許少

右為細末瘡頭上針刺開貼藥黃水出効

麝香丸

治疔瘡又治諸氣發背

木香

一分

胡椒

巴豆

二十四粒

全蝎

六個

麝香

許少

右為末泡蒸餅丸如菉豆大硃砂為衣溫湯下量人
虛實三九七九十九服之

硃砂散

出宣明論

治一切疔瘡

硃砂

雄黃

砒霜

天南星

各等分

麝香少

右研為細末用竹針開用藥封黃水出瘡已

疔瘡錠子

蒼耳

白芷

甘草

雄黃

各半錢

硃砂

一錢

右研細末用活蝦蟆擠出腦髓和五味酥為錠子五

月五日午時修合

白牙塗傳方

出聖濟方

治疔瘡毒

白牙

燒研

附子

搗為末

雄黃

研

半夏

半兩

豬脂

四兩

右將四味搗研為末以豬脂調如糊先針刺瘡頭即塗傳日三五藥貼之少時如病深取疔病淺即取出黑紫色血即愈

又方

用胡桃一個平開二片取出肉用口嚼碎却將肉安

放半片殼內頭上留一竅合在瘡上即痊可

又方

出聖惠方

治惡腫疔瘡及雜瘡

先灸瘡上三度以鍾乳末六錢及醬粒研傅上須臾拔根盡出

又方

出聖惠方

用益母草莖葉搗爛傅瘡上又絞取汁五合服之即內消

又方

出聖惠方

用竹箭桿刮取茹作炷就上灸之二七度

治疗根入腹方

出聖惠方

取牡猪糞和水絞汁服一二合立瘥

又方

出聖惠方

用鬼傘形如地苗多叢生糞堆上見日消黑者取燒

灰以針刺瘡四邊至瘡際作孔內藥孔中經宿瘡發

用鑷拔根出

治疗腫

出本草

用獨竹根細搗水調傅之

治疔腫出根

出木草

以虵螻作膏塗之

飛龍奪命丹 治一切惡疔瘡

硃砂 南星 半夏 黃丹 血竭 乳香 沒

藥 硼砂 硃砂 各二錢 人言 三錢 麝 少 巴豆 十二粒 班

猫 十一個

右為細末蟾酥為丸如紅豆大五分中一分加班猫

二個人言少許捻成錠子如半粒小麥大每一瘡針破見血下錠子一粒飯粘白紙封護用藥一九噙在舌上覺麻冷水吞下忌熱物片時重者隨時服藥不必盡劑一服特黃水流為妙病原先痒後痛先寒後熱如傷寒病忌房事并諸毒物魚腥凡病人眼紅見火光難治蟾酥乾用化開為度

鐵粉散 專治冷疔瘡經年不效用此藥大妙

多年生鐵

炒三兩

黃丹

兩半

麝少輕粉

半錢

松脂

一錢

道人

頭微炒存

性一兩

硃砂

三錢半

雄黃

三錢

加蟾酥

不拘多少尤妙

右將瘡四圍刺破以小油調藥末置於瘡內緋帛封之數日疔自出瘡入腹嘔逆者煎道人頭濃汁飲之

五香湯

治疔腫破毒氣

沉香

藿香

鷄舌香

青木香

薰陸香

各二兩

射干

三兩

升麻

四兩

鱉甲

二具炙去黑皮

藍實

五個

大黃

犀角

各二兩

具蘆

六枝

烏梅

一十枚

右以水九升煮取三升分為三服一方有楓香無薰

陸香以水一斗五升煎至一斗淋浴腫毒處名五香膏

回瘡錠子 治疔瘡大效

草烏頭

一兩

蟾酥

二合

巴豆

七個

麝

少許

右為細末麵糊和就搥作錠如有惡瘡透疔不痛無血者用針深刺到痛處有血出用此錠子紮之上用膏藥貼之疔瘡四畔紮之其疔二三日自然拔出此藥最宜緊用此症大抵與傷寒頗類其中亦有可針鑱

砂射出血出亦有久而敗爛出膿其間變異百端不可不慎也

治疔瘡

土蜂窩 穿山甲 茄根 海螺殼各等分

右研極細用臘猪脂調為膏每用指頭蘸藥於瘡磨之又蘸又磨待瘡化黃水出盡即日痊神效

白石脂散 治紫屬疔瘡不疼便腫腋下有根如雞卵

白石脂燒 赤石脂各半兩 雄黃一分 乳香二錢

日本國傳治疔瘡巴豆塗方

巴豆

粒十半夏一枚附子半
蟻娘一枚

右各為末以人糞相和看瘡大小作紙圈子圍瘡口
以藥泥瘡上絹貼之一日三易

治疔腫瘡毒方

川大黃

錢五牽牛半二錢

故紙

二錢半

大律

係牛蒡子二錢半

右為末用好酒喫一銅錢一方用酒調服

又方

生大豆黃

三十二枚全者

緋頭瀉

三條如無用五寸緋代

亂髮

一鷄子許

右以緋裹亂髮牢纏於灰火上燒得黑烟欲盡即出之冷瓷器中研如粉以酒空腹服之方寸匕平明至午時覺四體舒通覺瘡經即瘥如未依前服之瘥止若犯之瘡即出膿血未經犯六七日平貼忌如常服又方療疔瘡

蜂窩

七枚直緋

手大亂髮

拳大

右各燒為灰作末酒一小升和調服之瘥止未瘥再

服之一方溫水調下

奪命輕粉散 治疔瘡不出疔

鐵渣一輕粉二麝香許

右研為細末每瘡用針開十字口將藥放入瘡內用醋調麵糊敷貼神効

青金散 治疔

黃栢 人言 黃丹

右為細末各等分針開破貼上黃水出立效

又方 旋腫

人言 白礬

甘草 各三分

右為細末瘡圍挑破敷藥

治疔瘡方

附子

去皮

巴豆

去皮

胡粉

各一兩

一

右為末用烏麻油調膏先以針於瘡四邊血出即以藥封之其四面亦以藥蓋勿令洩氣其根自出

又方 治疔腫

石灰

三分

馬齒菜

二分

右搗以雞子白和傅之一方二味等分末之夾破好肉然後內藥於孔中即妙

犯疔瘡方

上瘡根爛再塗以瘥為度

大黃散

出聖濟總錄

治疔腫傳方

大黃

性炒

秦艽

荊蘆

去頭

石硫黃

硃砂

各一兩

右將前三味搗羅為散與後二味研者和勻水調塗

傳日三五次以瘡為度

治疔腫方

乾薑 胡椒 龍骨 班猫 皂莢

各一兩

右搗篩為末以酒和封貼日一度更服後藥

消毒散

出濟生
拔萃方

治疔瘡毒氣入腹昏悶不食

丁香

乳香

各一錢

蟬殼

管仲

紫地丁

各半兩

右為細末溫酒調下二錢

神仙金丸

出經驗
良方

治疔黃入髮癰疽諸般惡瘡

乳香

沒藥

各二錢

巴豆

四十粒

海浮石

半兩

草烏頭

一兩

炒

右為末醋麵糊丸如菉豆大三二日瘡服十九五六日瘡服十五丸瘡在上食後瘡在下食前服如嘔吐再服三四丸凡服先以冷酒一盞送下服藥後忌食熱物一時如瀉多用冷白粥補之

土鬼丹

指出方

治疔腫

金頭蜈蚣

一條

膽礬

銅錄

各一錢

麝

右細末以紙撚蘸麻油粘藥引入瘡中如瘡頭硬即灸破或針刺破然後入藥

紫金丹 治諸般疔瘡

人言 硃砂

雄黃

錢各一

巴豆

枚四

硃砂

錢半

右為細末碁子麵相和錠子絰在瘡內立効

四聖旋疔散 治疔瘡生於四肢其勢微者

巴豆仁

錢半

白殭蚕

輕粉

硃砂

錢各二

右為細末先以好醋調藥塗上以紙封之次服托裏

之藥其疔根自出

蒼金砂散

出濟生方

取疔瘡

蕪青根

鐵生衣

各等分

右和搗以大針刺作孔復削蕪青根如針大前鉄生衣塗上刺孔中又塗所擣者封上仍以方寸匕緋帛塗貼之有膿出即易須臾拔根出立瘥忌油膩生冷等物

紫金丹 治疔瘡

白礬

四兩二兩

用銀白石氣內鎔礬作汁下再使銀釵子攪之令紫色用文武火毋令太過不及如有瘡先以週迴挑破上藥用唾津塗上數度着毋令瘡乾其瘡潰動取疔出也兼瘡顏色紅赤為効如藥未成就再杵碎炒令紫色

二黃散 治疔瘡

雄黃 雌黃

右等分為末先用針刺四圍及中心醋和塗之一方
加麝

治疔瘡最有功效

蟬蛻 殭蠶

右為末酸醋調塗四圍留瘡口俟根出稍長然後拔
去再用藥塗瘡一方不用醋用油調

金砂散 治疔瘡

硃砂 雄黃

金匱要略卷之二十一
右等分研細用生蜜就於角盆子內收貯用遇患先用銀篦兒挑破瘡口去惡血然後用一大豆藥安入瘡內用紙貼即効毒氣入腹多嘔吐欲死者即服托香粉散

內托香粉散

滴乳半兩 菜豆粉一兩

右為細末煎生甘草湯調三錢時時飲之常令灌潤胃膈

治疔瘡危篤者二服即愈輕者一服立効

土蜂房一蛇退具

右作一處器皿中盛用黃泥封固火煨存性碾為細末每服一錢空心酒服少頃腹中大痛痛止其瘡已化為黃水仍服五聖散

五聖散

大黃

生薑

各二兩

瓜蒌

一個

皂針

二兩

甘草

一兩

銀花

一兩

半

右為咬咀用好酒二升同煎八分去滓服不拘時候
耆老丹 治一切疔瘡發背惡瘡等疾

白浮石

半兩 沒藥二錢

右為細末醋糊為丸如桐子大每服六丸冷酒送下
白膏藥 治疔瘡及一切惡瘡

官粉

四兩 芝麻油九兩

右用砂銚內文武火慢煎不宜大火火大色黃火小
透油也

又方 疔腫塗傳諸藥後如觸者

棘刺

剉

陳橘皮

二兩

右以水五升煎至一升半去滓分溫三服空心白酒
日午晚間各以一瘥為度

治疔腫班猫傳方

班猫

一枚

蒜皮

一片

右取針撥破瘡頭内班猫於瘡口中以蒜皮蓋定日
一度瘥

治疔腫胡麻塗傳方

胡麻

燒灰針砂

右和勻研細用醋調如糊塗腫上日三易瘥

治疔腫毒氣二灰散塗方

棘針

三枚

丁香

七枚

右同於瓶內燒令烟斷研末以滿月孩子糞和塗腫

上日三兩度瘥

又方

半夏

生用

石灰

等分

右搗末以傅瘡上

必効療疔瘡方

舊廁清

絞取汁

青竹茹

燒作灰

右研和清攪一百遍稀稠成膏刺瘡四邊令遍先以唾和麵瘡四面圍藥漸漸令滿其中仍三五度換之
晬時瘡爛以挑之拔去根即瘥止未出更著之神効

又方

巴豆

二七枚
去皮

半夏

二七枚
搗末

右以寒食飴和之以針刺瘡四邊令微到底即以藥塗之立拔出以澤瀉末填瘡孔中便瘥

又方 療疔腫

鼠屎 亂髮

右等分燒作灰針瘡頭內藥大良

治疔瘡無問雌雄方

鉄粉

一兩
蔓青根
三兩

右搗和如泥封腫上日三換之

治惡腫疔瘡及癰瘡方

皂莢

一兩去麝一兩
中皮研

右為細散入麝和勻以人糞少許和如泥塗封五日
後開之根自出矣

又方 治疔腫

用老鴉眼睛草搗碎酒服

又方

以鼠新糞土以小兒尿和傅之

又方

以鉄衣末以人乳和傅之立可

又方

以小豆花為末傅之瘡

又方

以四神丹一枚當頭上安經宿根即出

又方

以銀篋擦破瘡皮唾津調野灰菜灰些小點上血出
為度

又方

以麵和臘月豬脂封上瘡

又方

以蒺藜子一升燒灰醋和封上經宿便瘡

又方

以皂角子取仁作末傅之五日内瘡

玉山韓光方 治疔腫

以艾蒿一握燒作灰以竹筒中淋取汁以一二合和石灰如麵以針刺瘡中至痛即點之點三遍其根自拔亦大神驗正觀中用治三十餘人得瘥

又方

出聖惠方

用黑牛垢封之

又方

出千金方

以雄黃研一分為細散每日三五度傅腫上如乾用

醋塗以瘡為度一方針刺四邊及中心塗雄黃末神

驗一云塗黃土

蟾蜍膏

出危氏方

治疔腫

取蟾酥以白麵黃丹拌作劑丸如麥顆狀用指甲爬動瘡上挿入重者針破患者以一粒內之仍以水沉膏貼之取蟾酥法用獺蝦蟆於眉稜上以手捻出酥於油紙上或桑葉上用新瓦盛下然後挿在陰處經宿則自乾白於鷺翎筒內盛之或加蒼耳子沒藥乳

香血蝟血蝟真者輕浮入口甜味

水沉膏

出危氏方

以白芨末五分水盞內盛下澄去水却皮上攤開貼

瘡上

治數種疔瘡

用大青葉是處山內有冬間無類枇杷葉又取臭紫
草及馬蹄草各等分搗爛酒一碗浸藥濾去滓蕩溫
酒服三服立愈春夏取葉草搗作餅如乾再搗用溫

酒服

又方

車輻軸脂 白鹽 蕪青根 釜底墨

等分

右為末和以臘月猪脂封上以酢及水和傅之并得

又方

白馬齒 亂髮 髑髏

各一兩

枸杞白皮

三分

右燒作灰以酒服方寸匕不瘥至二匕

專治疔瘡

出神効方

用生蜜與隔年老葱去鬚葉用白一處研或膏先將
瘡用竹篦刺破然後用藥於瘡上攤之用緋帛蓋覆
如人行二十里覺疔出然後以熱醋湯洗之立瘥
治疔瘡

取蟾酥油調封口立効

又方

出本草

用苦蕒根搗爛傳之

又方

出聖惠方

以白飯為末傳之

又方

出肘後方

以針刺斷四圍用石榴末着瘡上以麴圍了四畔灸以痛為度灸訖以石榴末納瘡口內急封之經日根自出愈若大赫瘡已灸之以蠅蜋乾者末之和鹽水塗瘡又方取前藥以帛貼著乃取半錢和水服之止心中毒氣消更有趙婆婆藥常用大効方在大方中

宜五月預合

又方

取蒼耳草節內蟲七、七、四、十九條，搗破入人言些小，再搗成塊，用針將患處刺破，見血，仍用此藥封在瘡上，其瘡用手撮出，愈。

救疔瘡

以十二月猪膽風乾和生葱搗碎塗諸般疔瘡。

白殭蠶散 治疔腫傳方

以白殭蠶五錢炒為末，刮開瘡頭上傳之，日三根爛。

即出一方用水調封之

又方

出千金方

以鉄漿不限多少每日食後飲一盞即瘥

又方

出千金方

治疔瘡

刺瘡頭及四畔令汁極出擣生栗黃傅上以麴圍之勿令黃出從旦至午根即拔矣

又方

出千金方

以麴圍瘡如前法以針亂刺瘡銅氣煮醋令沸瀉著

麴圓中容一盞冷則易之三度根出即愈

又方

出聖惠方

取蛇蛻皮如雞子大以水四升煮三四沸去滓頓服立瘥一方燒灰或炙焦為末雞子清調塗

治疔瘡

出本草

以鑿菜搗碎傳之

治疔瘡

以風十枚放置瘡上以荻箔繩作炷炙風上根即出

治疔腫垂死

出聖惠方

以菊葉一握搗汁服一升入口即活冬用根一方用根舂細盒患處用此鹽舂即愈

治疔瘡

出仁存心

以燒馬齒莧灰和多年醋滓先灸疔腫以傅之一方馬齒莧和梳垢封之根出

治疔瘡海上方

用蟬殼七個煨為細末用蜜調擦瘡口又以磁石末

細研醋調傅立拔根出

又方

亂髮

雞子大

緋帛

方三寸

棘刺

七十枚

蒼耳

三七枚

右合燒作灰研成散每以半盞水許服方寸匕日二
三瘥止慎風熱忌同煎慮有犯觸加鹿角鱗甲蜂房
三寸匕三物等分燒灰為散若有犯者依前服之甚
効

治疔腫病忌見麻勃見之即死者

胡麻燭燼

針沙

各等分

右為末以醋和傳之

神仙追毒散

大黃 芒硝 牛蒡子

各一兩五錢

右為細末煉蜜為丸硃砂血竭為衣如彈子大童子
小便化開空心溫酒服

一捻散 治疔子

全蝎 蟬蛻

人糞下土

各等分

右礪末蜜調為餅子拊指面大當三錢若遇患每一餅入香油一盞炭火頓滾三四沸停溫服油滓傳瘡上用圈子剗定對周疔自拱出

一捻金散 治疔疽惡瘡不出疔內消

蒲公英

取汁

鹽泥

生人腦

耳塞是也後二味各等分

右為末用蒲公英搥拆取白汁和二味為小餅兒有瘡用竹刀割破上一餅用膏藥封貼大有神效此藥定疼內消

蛇蛻散 治疔腫兼治瘡口內久不合

蛇蛻皮

一兩半

露蜂房

五錢

亂髮

一團如雞子大童子便炒

右剉碎於熨斗內燒灰細研為散每服二錢匕空心米飲調下蓋覆出汗更服一方云并用五月五日採忌七日不得食鹽酒肉五辛物

疔瘡方

出本草

以鷓鴣屎和脂油封上瘡

疔瘡方

出聖惠

以生薺芫根取汁一合去滓傳不過三次愈

治疔腫患火丹瘡

以龍葵和土杵傳之尤良

治患疔腫中風頭痛者

以驢馬屎熨瘡滿五十遍極効

治疔腫

以五月初三日採取旱蓮草根乾須要天色晴明之夜有露時露過七日遇有瘡腫嚙碎放瘡上以消毒

膏貼之二三日疔脫仍服敗毒散數服凡七十二種皆治之但七日傳經者不治

備急療疔腫姚方云疔毒為瘡肉中突起如魚眼狀赤黑慘痛是寒毒之結變作此疾始作服湯及如療疔法便瘥又支太醫云有十三種疔瘡其狀在大力中初起皆患寒熱又三十六疔亦是其三種數內或今日生一明日生二或生三或生十滿三十六疔皆療

之方

出肘
後方

以蛇皮炙末和鼠矢以針刺破瘡內中即拔出瘰

又方

出聖惠方

取馬牙齒燒作灰先以針刺破瘡令破以灰封之用
麪周匝圍之候腫軟用好酢洗却灰其根即出當便
瘥一方擣末臘月猪脂和傅之根即拔

又方

出千金方

以針刺破瘡頭取人熱糞塗上乾易之不過十五遍
即出又以硃砂封上熱毒入腹以枸杞根切煎服之

如犯觸亦然如乾糞亦得若犯瘡未死者灌廁清汁
一升亦瘥一方人糞尖傳

又方

以五月五日取牡狗矢燒作灰傳之瘡數易之

普濟方卷二百七十三

欽定四庫全書

普濟方卷二百七十四 明 周王朱櫛 撰

諸瘡腫門

諸疔瘡

廣濟療疔腫犯之重發方

以青羊糞一升用水二升漬少時煮兩服絞取汁一
升頓服無所忌

又方

出肘
後方

以鹿角燒作灰三年大醋和刺破四畔傅上則大良

又方

出肘後方

以馬兜鈴搗根以蜘蛛網裹之傅瘡少時根自出

又方

出肘後方

以燒鐵針若釵烙燼瘡根此方無有不應手瘡者療

背彌驗

又方

出肘後方

用顛螳頭二枚蜘蛛短脚墨者好二物並先取陰乾

彌精緋方寸倒須棘刺二七枚蜂窠一棗許大黃陸
香炷煤亂髮各一棗許大其炷煤取竈竅上者八物
先鋪亂髮次下緋蜂窠及諸藥以髮纏裹作塊長釵
穿之炭焰上轉側後炙熱焰盡停冷細溫清酒一小
盞子和一錢服盡一食久即瘥瘥訖欲之後針棘根
即痛變成好肉若經食犯者療取驗疾口已噤者折
齒灌之入咽即其顛螭蜘蛛無乾者濕用亦得一無
禁忌

又方

出肘後方

取戶邊蜘蛛搗以醋和先挑四畔令血出根稍露用藥塗乾即易後旦至午後拔根出大有神効一方用斑蜘蛛冷無毒

又方

出聖惠方

取柳枝葉煎為劑塗之神効一方細挫水五斗煮取三斗去滓煎如飴刺破塗之

又方

出肘後方

防毒氣入心

常飲枸杞汁至瘥

又方 治疗腫

用白犬血塗立愈及手指赤隨月生死煮苦酒沸以生薑一把內中熱出以傳之即愈又用韭

治疗瘡

用九月九日採芙蓉花葉陰乾研細如遇有瘡兒用井水調銀釵打成膏厚紙攤貼瘡上次日用蚰蜒螺即鬼丁螺一箇用銀器盛打破依前調藥却將油蛭

螺放在瘡上貼待過周日揭起其疔自出立効其藥不用要攤闊

治疔瘡

用多年墻內或泥土中秀釘洗淨以灰火內煨入醋內淬待冷用刀刮釘鏽又於火內煨紅入醋淬仍前刮末再三如此煨淬刮末用紗帛細羅包裹遇人有此證略將瘡口撥開挑藥末在內不拘貼何膏

露蜂房散

出聖惠方

治疔腫

露蜂房

亂髮

蛇蛻

棘針

各三兩一方
用皂莢刺代

右以緋帛裹於熨斗內燒灰細研為散空心溫酒調
下一錢七晚再服根自出一方用溫水調下一方緋
帛一尺分作四片裹上件藥髮繩扎炭火燒存性服
棘鍼散

出肘後方

治疔腫內消

棘鍼

倒勾多年者
三十二枚

大豆黃

生用四
十枚

緋頭瀉

三條每
條濶一

寸

亂髮

如雞子
大三圍

右分三分各將緋一裹棘鍼豆子用髮一團纏裹令

周匝牢固各於炭火燒令烟盡先研兩團令細溫酒
半盞調下候覺瘡四邊軟即瘡過半日未効更服一
團必瘡瘡後犯之當有三五頭赤黑膿出不經犯者
七八日瘡勿輕之其棘鍼一年已上陳者佳此法常
用神効良方

治疔腫病疽瘡

出本草

以赤翅蜂燒令黑和油塗之

療疔腫

出本草

用白薑石末和鷄子清傅之疔自出

治疔腫

出本草

用苦芭折取莖中白汁傅之疔腫出根又方以苦芭搗汁傅疔瘡殊驗青苗陰乾以備冬月為末水調傅

治疔瘡

出本草

以蜆子活侵取汁洗瘡瘰以糟煮蜆食之

治疔瘡

出本草

以白狗屎水絞取汁服之

治疔腫惡瘡

出本草

用銅鑛石末傅瘡上良

治疔腫

出本草

以槐葉煎湯服皮莖同用

治疔腫

出本草

搗充蔚莖傅之仍服其汁使疔腫毒內消及治諸毒腫服之亦効一方用子

破疔腫開

出本草

以新人屎封之一日根爛

療疔腫惡瘡骨疽

出本草

以蝮蛇皮作灰傅之

治疔腫瘡

出本草

以前藥為細末用清油調塗之瘡口內立効

又方以拔毒散水煎服

方見本門熱腫類

又神効方

千金草

四兩

明礬

五錢

乳香

一兩

右為末酒調下一錢出汗為度

又方 治拔疔

兩尖

一兩係兩頭尖

巴豆

四箇

右為細末貼瘡上紙封

又方 治冷疔瘡

青靛

一兩明礬七錢

右為末井花水調服五錢仍飲熱葱湯一盞被蓋汗

出即愈

治赤根疔

出下
金方

熬白粉冬黑蜜和傅之良

治一切疔瘡

出本
單

以蝻螬燒為末和臘月猪脂傅之

治疔瘡

櫻桃者用佛掌花根蜜薑三件研汁服用天茄藥紫
瘡口上連珠者用鴨脚青蕪蘇研糖水拌刷○水晶
者用水莧天茄

治疔瘡

用荔枝或三箇五箇不用雙復用狗食過米糞淘淨
為末復用糯米厚粥一處研搗成膏用好皮紙攤上
貼之患處紙上留了一竅只痊可

又方 治疔瘡

凡黑者中央凹四畔黑腫用頭髮繩扎住將尖葉薜
荔葉搗細取汁和蜜調一盞服之又用葱白和蜜搗
傅患處

又方 治水疔瘡色黃癢麻木不疼

用刀刺四畔將柏樹根經行路者取二尺許去皮搗
細井花水調一盞服待瀉用三角銀杏去殼浸在油
水年久者搗盒患處亦治暗疔瘡頭凸紅色使人昏
懵狂獍者

又方 治冷疔瘡

用生烏頭切片醋熬成膏子塗瘡上絹帛貼次日去
絹疔根自出

又方 治疗瘡

取末結子柜樹根細嫩者洗淨去黑皮取白皮搗細以無灰生酒調開攪去滓用藥吞下解毒雄黃九瘡化黃水而散

奪命丹 治一切疔腫

血蝟錢一蟾酥錢一銅綠 明礬 硃砂 輕粉 大

黃錢各半麻黃半兩去根節麝香三字海羊十五個去蝟牛一方用

龍腦二字

右研為細末將海羊研細爛為丸如雞頭大每一丸
先嚼葱白三寸然後用好酒送下一丸如重車行七
里汗出為効

走馬丹

硃砂 輕粉 粉霜 金脚信 雄黃 蟾酥

百草霜

又方 治一切疔腫

班猫

不去翅足不可用多
多則結頂藥不能入

殭蠶

麻蟲

蒼耳內
者炒

磁

石 仙人髓 蒼耳子肉 一方加輕粉

右用白梅猪膽為膏常以蜜濕潤之遇有瘡調藥傳
上早間傳至午前再換

立馬回奪命散 治疔瘡咽喉乳鵝腫痛喉痺大効

牡礪 當歸 牛蒡子 白殭蠶各五錢 大黃一兩

右用每五錢用青石磨刀水酒各一盞煎去滓連進
二服疔瘡汗者生無汗者死

又方 治一切疔腫

麻蟲 江茶 殭蚕

右為末用蜜水調傅上

二烏散

出永類
鈴方

治發背蜂窩疔瘡便毒等證

川烏 草烏

各一
箇

右將新瓦一個汲新水一桶將川烏頭草烏頭併瓦
俱浸於水桶內如無新於房上取淨瓦亦可候透瓦
將川烏草烏於瓦澁面磨藥成膏就磨藥手挑藥貼
於瘡口明圍如未有瘡口慢慢塗藥如三四重紙厚

上用紙條透孔貼蓋如藥乾用雞翎蘸水掃濕如此
不過三兩次○一方單用草烏亦可用醋磨

又方 治一切疔腫

用楊樹上大烏殼硬蟲或地上新糞內泥堆中者亦
得活者取末用蜜浸待死將新瓦上煨灰用好醋調
傅上先用針將火上燒過待冷撥損瘡頭上

又方

用麻樹蟲燒灰為末用麻油調傅即愈

又方

用田螺一箇以好水腦二片放在螺內化為水點瘡

上

又方

用南墙上朝陽螺蛳殼用手撚易碎者又用田中浮
蛳去靨搗爛丸如蘿蔔子大遇瘡放一粒在內

又方

先用針刺周圍令出紫血次用海螺蛳脊骨為末搽

於刺破處其疔自出

又方

用江菇放銅青在內即時化水將瓦器藏之必用銀簪頭點

治疔走了黃打衮將死者

牡蠣 大黃 山梔子 金銀花 地骨皮 牛

蒡子 連翹 木通 乳香 沒藥 皂角刺

瓜蒌

右等分氣壯者加朴硝水一碗酒半碗同煎一服定
愈救命仙方也

治魚臍疔瘡疼痛不可忍方

出聖惠方

淘河古

一枚

天南星

一分

肉桂

一分

去粗皮

去

砒霜

半錢

硃砂

一分

巴豆

五枚

麝香

半錢

硃砂

一分

右為極細散用黃臘并猪膽汁相和消鎔為丸如綠
豆大一丸放瘡上取穴為度其藥却收取每一丸可

藥五六人

青金錠子

銅綠

三錢

青礬

真者

輕粉

白丁香

真者

苦葶藶

淨洗

各一錢研

細片腦

麝香

各半錢

右藥先研葶藶子細次下餘藥用研細白麵加白芨末一錢調糊為度捻如麻黃麤約入瘡口深淺縫入疼者可治不疼難治前藥分作三分加減藥用○一緊峻加砒一錢生用碧雲錠子閉瘡口用○二緊緩加砒一錢煨煉過碧霞錠子去死肉○三緩慢去砒

加枯礬一錢碧玉錠子生肌肉○詩曰緊峻始初開
瘡口緊緩去肉慢生肌若人會得三般錠免使針刀
五臟虧先賢妙法傳為是分明一一與君推更通難
素陰陽理起死回生天下知

聖授奪命丹

五倍子

槌碎洗淨
三兩重

山茨菰

去皮焙乾二兩重
即紅金橙花根

川墨

燒存性
一兩重

續隨子

去殼不去油二兩
重一名千金子

五靈脂

洗淨一
兩重

板藍根

洗淨焙乾一兩
重即大靛子

紅牙大戟

去蘆洗淨
一兩重

右用續隨子加麝香四錢二味另研外六味另研細
令勻却用公鴨血為丸無鴨糯米粥亦可分作四十
九九陰乾勿令見日量病人虛實忽半丸忽一丸生
薑薄荷并花熱水磨化細細服之三五行為度溫粥
補之合藥日用端午重陽天德月德吉勿令人見○

專治一應無名疔腫肺癰肚癰菌蕈菰子金石砒毒
疫死牛馬羊肉河豚魚毒時行瘟疫山嵐瘴氣急喉
閉纏喉風脾病黃腫衝胃寒暑熱毒上攻癰疽發背

未破魚臍瘡湯火所傷百蟲風犬鼠咬蛇傷用東流水磨化塗之又磨化半丸服之良久覺癢立効打撲損傷炒松節加酒磨化服半粒仍東流水磨化塗之男子婦人顛邪鬼氣鬼胎用熱酒磨化一九作二服有毒吐下自縊溺水打折傷死但心頭微熱未隔宿用生薑蜜水磨化灌之

芫花根膏

出聖惠方

治魚臍疔瘡久療不瘥

芫花根

二兩

猪牙皂英

五挺

白礬

二兩

燒令

冷細研

黑豆

三合

右用醋一斗先洗芫花及皂莢黑豆三日於釜中以
火煎至二升去滓後却日當中煎至一升入白礬末
攪令勻去火成膏但是魚臍丹惡瘡攤於帛上日二
易之

治魚臍疔瘡

出危氏方

絲瓜葉

即庚刺葉

連鬚葱

韭菜

右入石鉢內搗爛如泥以酒和服以滓貼腋下如病
在左手貼左腋下右手貼右腋下在左脚貼左胯右

脚貼右膀如在中則貼心膂盆用布帛縛住候肉下紅線處皆白則可為安如有潮熱亦用此法却令人抱住恐其顛倒則難救矣

奪命丹

硃砂

半錢

乾胭脂一分蟾酥

右為末每服一錢用帶根葱一根破開將藥於用火燒軟湏嚼碎好酒下汗出為妙一方用銀朱水為丸每服一丸溫酒下名走馬丹治魚臍疔瘡以新火針

瘡四邊赤中央黑可針刺之若不大痛則殺人

又方

出千金方

以臘月魚頭灰和髮灰等分以雞溲尿和傅上此瘡見之甚可即能殺人一方不用髮灰以雞子清塗

又方

以寒食飭傅之良硬者燒灰塗貼即瘥

治魚臍瘡頭白似腫痛不可忍者

出聖惠方

先以針刺瘡四畔作孔擣白茺取汁滴着瘡孔內一

方用白芷

崔氏療魚臍毒瘡腫方

出千金方

凡瘡初生之時頭白如黍

米許大當中黑如蟻四畔赤至四五日之後疼痛不可忍似潰不潰雖至潰破膿出迴轉還滿疼痛不止者便是其候

取獾屎以水和封腫處及瘡上即得膿出止痛消腫慎口與患疔瘡腫同必至瘥莫浪雜犯觸

又方

出崔氏方

治魚臍毒腫

瘡藥難醫治火內

治魚眼睛

魚睛瘡藥難醫治火內燒礬上面攤寒食麪糊敷貼

了無膿抽腫完全

治魚臍疔瘡如黑豆色者以大針針瘡四邊兼中央

出聖

惠方

用臘猪頭一枚燒灰搗為散以雞子清調勻傅瘡上
日三易之

雄黃

硃砂

各一錢

蟾酥

金脚信

各半錢

加輕粉

半錢

巴豆

一十箇
生用

右為細末刺破經之

蟾酥錠子

蟾酥

不以多少八角兒

四箇粉霜

少許雄黃

少許麝香

少許巴豆

一箇
去皮

右將八角兒先研如泥化開黃蠟少許入前藥末和成膏子如麥粒大如有患瘡者先用針針破疼時用

榆條兒送下藥後用雀兒糞於瘡口內放二箇如瘡
回也不須下藥如不疼依前再下藥如針破無血時
係是着骨疔即於男左女右中指指甲用女人未使
新針刺之有血時藥糊爰下瘡內効如指內無血即
於脚大姆指內刺取血糊爰藥丸下瘡口効如是都
無血時恐證難醫必死然如此呵再將醫六人藥
下瘡口內救之忌飲冷水如瘡更不回用蟾酥放瘡
口內便回如蟾乾用八角兒且如冬月天無八角只

用八兒窠三箇用楊柳上者

酒煎散 治疔瘡

赤烏柏根 水柳根 水楊梅根 葱頭根 紅

內消 白香芷

各等分

右剉散酒煎旋入通明雄黃研爛和服如瀉時瘡勢
畧退只喫此藥若不瀉再服通利藥

通利藥

黑牽牛

炒一兩

巴豆

十五箇
去油

大黃

五箇
生用

右為末米糊丸如菉豆大初服七九次五九第三服
五丸如瀉不止喫白粥及冷水洗五心如一服即止
瀉服量人虛實與服如人盛服前二藥通再服後藥
人十分實者

大通藥

芫花 巴豆 大黃 荊芥

各等分
生用

右剉散白水煎一沸便瀉過空心服可留藥滓再煎
放用若要瀉住再服一服

連翹散 瀉後用此

用小蒜五月五日採者生食之不可常食

治疔瘡

用蜣螂安蓋內以膿米泔半蓋在內以火逼之蟲熱
喫泔及困死取腹中白肉新瓦上焙乾為末熱酒調
二錢服仍以此小傳瘡即愈一方蜣螂心即腹上度
稍白處搗爛貼瘡上半日許再易血盡根出昔劉禹
錫纂柳州救三死方云元和十一年得疔瘡凡十四

日益篤善樂傳之皆莫能知長樂賈方伯教用蜣螂
心一夕而百苦皆已明年正月食羊肉又大作再用
如神驗大忌羊肉蜣螂所忌

貝母散

出鮑
氏方

治馬疔

川山甲

燒存
性

貝母

等
分

右為末酒調下三四服隨用先藥下惡物用小刀子
取出烏疔深者寸半用葱蜜花乾小便浸乾為末麻
油調傳

治疔瘡奪命散

出保命集

烏頭尖

附子底

蝎稍

雄黃

錢各一

蜈蚣

對一 硃

砂

粉霜

輕粉

麝香

乳香

錢各半

信

二錢 腦

子

許少

右為細末破瘡出惡血以畢草仗頭用紙帶入於內

以深為妙

拔毒散

出楊氏家藏方

治十腫疔瘡毒氣發硬如石痛不可忍

鉛百霜

膽礬

粉霜

硃砂

硃砂

少別研上五味各一

錢

蜈蚣 一條
炙

右件研為細末先用針挑令血出入藥一字在內上用醋煮麪糊貼之一日其根潰出立愈

又方

出永類
鈴方

用紫花地丁草搗水洗極有効

元朝脫脫丞相疔方太醫院抄本未用他藥先服硝黃湯利動毒氣若虛老人却宜斟酌

出永類
鈴方

朴硝

明者熬成
牙硝二錢

大黃

生用
半兩

荆芥

黑牽牛

炒各
半兩甘

草節

四錢

右為細末酒調空心以利為度

疔腫陰證脉沉四肢冷瘡不發

出永類
鈴方

用五香散除大黃加蒼耳連肉酸棗仁藿香茯苓黃
芪肉桂當歸防風白芷附子等藥生薑煎半水半酒
以發藥性○潮熱皮膚受毒加生大黃柴胡地骨皮
○嘔逆脾胃受毒加丁香○喘嗽肺經受毒加杏仁
去皮尖知母秦艽紫苑○大小便秘腹脹滿加製枳

穀木通苦葶藶或生大黃○眼花心經受毒加硃砂
雄黃麝香○脚冷腎經受毒加木瓜黑牽牛並鹽炒
○發渴自汗肝經受毒加黃芩山梔

疔瘡陽證潮熱心間霍亂或發譫語六脉洪大

出永類
鈴方

用五香散熱不退而渴用不二散蛇床子生大黃作
末冷酒或冷水調二錢止二服使微利

主疔瘡

出本
草

以斷罐草合白牙莖菜青苔半夏地骨皮蜂窩小兒

髮緋帛金等分作灰五月五日和調諸藥末服一錢
疔根自出

治溪毒疔腫

用狗屎和臘月豬脂傳之疔根出

救生丹 專治諸腫疔瘡眼內火光出昏迷不醒用一

丸研細放舌中汗出効三月辰日採生桑黃荊葉用
竹針穿成孔用紙裹風內陰乾至未端午前多收蝦
蟨至端午日五更將二味藥為細末用蝦蟨酥滴在

藥末上就為丸如用時再用雄黃同藥一般大同為細末依前服之

救生散

服前救生丹却用此藥外傳瘡上

用荆桑二藥同為細末一錢胡桃肉一箇片腦半錢大黃半錢硃砂半錢同為細末用竹針撥開瘡口唾津調藥末如麥大一錠貼瘡上封固為妙

反花瘡

附論

夫瘡生惡肉久則反出於瘡外故謂之反花瘡其初如

一飯粒破之血出餘毒尚熾惡肉隨生根深而膿潰此
皆風熱毒氣之所作也

方

臘脂散

指出直
指方

治反花瘡

臘脂

貝母

各一分

硼砂

沒藥

各半分

胡粉

一分

右研細先以溫漿水拭後傳藥

甘草塗傳方

出聖濟
總錄

治反花瘡

甘草

半生
半熟

礬石灰

人中白

密陀僧

各半
兩

右為末入童子小便半盞以微灰火熬用竹篦攪成膏取塗瘡上日三五次

臘脂塗傳方

出聖惠方

治反花瘡

臘脂

一兩
兩胡粉

半

右相和研令勻先以鹽湯洗瘡淨帛搵乾用藥傳之

三五上

治反花瘡方

出聖惠方

以鼠尾草根細切不拘多少熱搗和豬脂封貼瘡上

用鼠粘草根

荊蘆傳方

出聖濟總錄

治反花瘡

荊蘆末

豬脂

右相和調糊塗瘡上日三五度

惡實根塗傳方

出聖濟總錄

治反花瘡并治積年諸瘡不瘥

者

惡實根末

四兩豬脂

右調和如糊塗瘡上日三四度

又方

出聖惠方

驚糞

胡粉

各一兩

右搗細羅為散先以溫漿水洗瘡後以藥傳之

治反花瘡久不瘥方

出聖惠方

用鷓鴣三兩炒黃為散先以溫漿水洗瘡搵乾以藥傳之

馬齒莧塗方

出危氏方

取馬齒莧搗爛令細塗瘡上日五度一方燒灰以豬

脂調塗之

治反花瘡方

出千金方

取蜘蛛膜貼瘡上乾即易之瘥止

治反花瘡方

以柳枝葉三斤剉水五升煎至二升去滓再煎如飴
塗傅瘡上日三五度一方以清油單煎柳枝令焦黃
去滓候冷令塗之

治反花瘡方

出聖濟總錄

以硃砂細研塗傳上日三五度

治反花瘡方

以蒼耳藥搗攪取汁服三合并塗瘡日三五次

治反花瘡方

出本草

以鬼屎刮取和油塗之生陰濕地如屎亦如地錢黃

白色者

治反花瘡方

出本草

以掬天皮和油塗之

浸淫瘡

附論

夫心惡熱風熱蘊於心經則神志躁鬱氣血鼓作發於肌膚而為浸淫瘡其狀初生甚微痒疼汁出漸以周體若水之浸淫佚不止故曰浸淫其瘡自出曰流散四肢者輕毒氣已升出故也從四肢反入於口則重以毒復入於內故也

方

水沉膏

乳香 輕粉 白歛 赤歛 雄黃 白芨

各二錢

半錢

黃丹

烏魚骨 各一錢

右為細末後將草藥一處再為末先用熱絹子放在水上浸少時取出量大小調藥攤於絹子上貼瘡口上三二日勿敷之

升麻湯

出聖濟總錄

治心有風熱生浸淫瘡遍體

升麻

大黃

剉炒

黃芩

枳實

芍藥

各一兩

甘草

炙

當歸

各半兩

右麤搗篩每服五錢用水一盞半入燈心一握煎至一盞去滓空心晚食前服

苦瓠散

出聖惠方

治浸淫瘡表裏相當

苦瓠

一蜂房兩

蛇蛻

各半兩

大豆

半兩

梁上塵

一兩

右治下篩以粉為粥和傅紙上貼之日三一方無大

豆

胡粉散

出聖惠方

治浸淫瘡多汁

胡粉

研炒黃

甘草

簡茹

黃連

去鬚已上各半兩

右搗細羅為散日三四上以傅之

戒鹽塗傅方

出聖惠方

治浸淫瘡

戒鹽

半兩

大黃

一兩

藺茹心

一分

右為細末以酒調塗傅瘡上日三五度

治面上耳邊生浸淫瘡有黃水出久不愈名辦香瘡

殺羊鬚

荊芥

乾棗

去核各二錢

右燒灰存性研勻入膩粉半錢同研每日少許清油調搽先以溫熱湯洗淨拭乾塗藥三二次必効又治

大人小兒兩吻瘡

立効九 治浸淫瘡疼痛動臟腑

雄黃

一兩

雌黃

五錢

沒藥

半兩

巴豆

一兩

去皮不

出油另研

乳香

五錢

木香

一兩

右為細末麵粉九梧桐子大每服五丸夏月清茶下
冬月溫水食後下

又方

出千金方

治浸淫瘡

以豬牙車骨年久者槌破燒令脂出熱塗之

鷄冠血塗方

出聖濟總錄

治卒得浸淫瘡早不治則遶身周

匝能殺人外臺云浸淫瘡轉廣有汁多起於心

以雄雞冠上刺血塗傅日三五度

牛屎汁塗方

出聖濟錄

治浸淫及濕癰丹毒

以牛屎新者絞汁傅之或取乾者燒烟燻之亦佳

治卒得浸淫瘡有汗多發於心不早治周身則殺人

出肘

後方

以秣米熬令黃黑杵末以傅之

療卒毒氣攻身或腫或赤痛痒并分散上下周匝煩毒

欲死方

出聖惠方

以生鯽魚切之如繪以鹽和搗傅之若通身即多作
遍病上乾復易之此為浸淫瘡也備急同一方用豆
豉和搗傅之或醬清調用魚燒灰為之亦療馬瘡

苦練散

又名苦練膏出聖惠

治浸淫瘡及大人小兒禿惡瘡

右以苦練根日乾存性或用皮亦得為末豬脂調傅
濕則搽先用苦練參大腹皮煎湯洗一云取皮并枝

燒作灰傳上

治卒得浸淫瘡有汗多出於心不早治周匝身則殺人

出聖濟方

取胡驚窠中末水和傳之

治浸淫瘡

出本草

以瞿麥搗傳之

治浸淫惡瘡

用胡麻子生嚼傳之

治浸淫瘡遶身至心者死

用燕子窠中草燒灰為末酒調服之

冷瘡

附論

夫形不足者溫之以氣氣能養形故也周官瘍醫掌腫瘍潰瘍金瘍折瘍有五氣養之之法蓋以氣不足則血不行血不行則經久不瘥所謂冷瘡是也蓋諸瘡既潰風冷之氣入於榮衛傷於肌肉故冷瘡而不痛痒治宜溫肌養血滌污除膿則愈

方

猪骨膏

出聖濟總錄

治諸瘡口氣冷不瘥

猪筒骨

二箇取髓

松脂

通明者研二錢

乳香

研

黃連

去鬚為末

白芨

為末各五分同研

右搗研鎔蠟和為膏不拘時傅之

乳香膏

治諸冷瘡久不瘥

乳香

一兩

食鹽末

半兩

松脂

杏仁

湯浸去皮尖研各一兩半

生

地

汁三兩

白羊腎脂

半斤

蠟

三兩

右先熬脂令沸下杏仁生地黃汁蠟煎候蠟鎔盡入香鹽松脂煎以柳棍攪勻堯合盛取傳瘡上日三兩度

蕪荑散

出聖惠方

治冷瘡久不瘥

蕪荑

一兩微炒

槲蘆

一兩去蘆

熏黃

半兩

青礬

半兩

雄黃

五錢

苦參

三分
附子
三分

右為末先以溫水洗瘡去痂拭乾生油調塗之

烏賊魚骨散

出聖惠方

治冷瘡發歇疼痛膿水不止生肌

烏賊魚骨

一兩
燒

黃連

一分
檳榔

一枚

訶梨勒皮

一分
白龍

骨

一錢
半

赤石脂

一錢
半

麝香

一錢

右為細散於瓦鉢內入麝龍骨赤石脂相和研勻每用時先暖鹽漿水洗瘡拭乾後以散傅日二用之

葶藶膏

出聖濟
總錄

治一切瘡久冷

葶藶

一兩
兩

蜣螂

五枚

馬牙蟲

五枚

蟬殼

五枚

斑猫

五枚

麝

一錢

右搗研為末煉蜜和為膏以故帛上攤貼日三次瘡為度

二黃散 治冷瘡不愈

雌黃 雄黃 密陀僧 定粉 膩粉各一分 乳香

許少

右研細乳香同研蜜調傅之

六灰煎膏出聖濟總錄 治諸冷瘡紫肉久不瘥

石灰五升 蔞灰 白頭翁灰 桑灰 白柞灰無如

薦蒿灰代之 蔞蘆各半斤

右相和於瓦甑內蒸一飯時取釜中湯淋下灰汁二

升於銅器中煎成膏以磁合盛先以鹽湯洗瘡後取塗傅即瘥

葱白湯 治諸瘡風冷腫痛皆因瘡腫坐於水中及風冷所致或反脹腫入腹則能殺人

葱白

切

蜀椒

去目及合上者用

薤白

各半斤

香豉

二合

防風

三兩

芎藭

一兩半

右剉碎取一長項甕髹納藥於甕中下水二升以故帛及紙三兩重密封甕口以繩縛之然後納甕於釜

中以水煮之，罌中氣沸，當中通氣，以瘡當氣上射之。
瘡中黃水出盡，即止。日三兩度，再煮罌，令熱用之，以
瘡為度。

亂髮熏方 治冷瘡

亂髮

鷄屎

蠟

各二兩

大麻子

大豆

各二合

青布

一尺
二寸

右先鏞髮，安青布上，吹鏞鷄屎、蠟、麻豆等。如果餅，角
可，麤如臂，長一尺，以繩縛之，取一瓦着，煑灰火，置藥。

於瓦中更以一瓦覆上以繩縛定塞一頭孔其烟只
一頭出以瘡當烟上射之令瘡中黃水出盡乃止或
汗出勿觸風薰了鎔熱蠟症瘡中即瘥

檳榔散 治冷瘡

鷄心檳榔 木香 硫黃 薑黃各半兩 吳茱萸

麝香一字

右搗末麻油調傅有膿乾搽

檳榔散 治冷瘡不瘥

檳榔

兩半

甘草

麝香

木香

黃連

各半兩

麝香一字

右為細末令勻先取砒霜少許安上用生油調敷有

膿乾搽日再換

丹砂散

治冷瘡長肌肉止疼痛

丹砂

一分

麝香

一分

陳石灰

一分

鉛丹

一分

猪筒骨

一枚

右搗羅為散每用一錢乾傳之

乳香散

治瘡冷及膝脛生瘡年深筋骨攣手臂膿血不

瘡

乳香

錢一

紫藤香

錢末一

安息香灰

錢半

人指甲灰

分五

硃

砂字一

右細研令勻用油單裹角令人懷中貼肉懷十日取
丹研令勻患者以溫水洗瘡以紙撚子小頭上點藥
少許深納瘡中外面以帛子裹縛令定一夜當取出
惡物如魚腸之類自然生肉

雄黃散

治冷瘡暖瘡口

雄黃

研

百合

乳香

研

黃蘗

去皮

煨

墻上爛白蜆子

小蚌蛤子
是各一分

右為細散先用漿水煎甘草濕柳枝湯溫洗拭乾傳

之

乳香散 治冷瘡暖瘡立止疼痛

乳香研末 麝 黃蜀葵花搗 白小豆搗 黃蘗

右等分搗為細散乾傳瘡口

附子散 治冷瘡夜發歇疼痛

附子半兩泡裂去皮臍 川椒一分去目 白礬三分燒汁 膩粉 錢二

雄黃

一分
細研

右附子川椒二味為末次入白礬膩粉雄黃相和勻
每使以清油調令得所貼瘡日二換

木香散 治冷瘡或在頂上或在脇間年深未瘡

木香

乳香

各一分

母丁香

一枚
麝字一

右搗研為散用雞子一枚打作眼子取清和藥二錢
却入空殼內濕紙蓋了飯上炊熟分作四服每日空
心午間臨卧各一服爛嚼臘茶下

金黃散 治冷瘡經久不愈

雄黃 括蔞根 五倍子等分

右為散先用溫漿洗瘡了乾貼如瘡口久不合者洗了用巴豆一米許經瘡內待血出後傳此藥

治冷瘡疼痛不止方

蛇床子一兩半 乳香兩半 薤白臨時切

右為末入薤白搗香稀稠得所可瘡上貼之

治積年風冷疼痛方

麝香

一分乳香一分龍骨一分

右細研用黃蠟臨時看口大小於湯內鎔蠟如軟麪入前藥相和熱貼在瘡口上不過三兩度

又方 治冷瘡日夜發歇疼痛

龍骨

一兩燒

蜂巢

一兩燒

蛇床子

兩半燒

右研令勻以生油調塗日二換之

桑灰洗方

出聖濟總錄

治冷瘡

以水淋桑柴灰汁溫浸洗日三五度即瘥

棗肉浸洗方

出聖濟
總錄

用棗肉二斤以水五升煮取三升浸之洗瘡以瘥為度

生肌散

出聖濟
總錄

治一切瘡口不合

以秦朮淨洗焙乾為細末貼之便生肌肉

冷露瘡

出應
驗方

用細茶同藿葉一處煮一般燒灰油調照瘡大小攤在葉上貼之

灸藥餅

出聖濟總錄

治冷瘡諸瘡中風冷氣膿出痛急

薤白

切一合

商陸

切二合

右以鹽半兩相和熟搗令細捻作餅子厚如錢安瘡口上以艾炷灸令熱氣射瘡中即水出再灸水出盡即止餅子乾頻頻換之以瘥為度

熱瘡

附論

凡熱瘡起便生白膿黃爛瘡起即淺但出黃汁名肥瘡○又有洪燭瘡身上忽生瘰癧如沸湯灑劇者徧頭面

亦有胸脇腰腹腫緩通體如火湯灼瘰起者是也治之
急服漏蘆湯下之外以升麻膏傳之其間傳升麻膏若
無効一依傳丹方○熱瘡本於熱盛風氣因而乘之故
特謂之熱瘡蓋陽盛前表實形勞則腠踈風邪得入相
搏於皮膚之間血氣之內聚而不散故蘊結為瘡赤根
白頭輕者瘰漿汁出甚者腐為膿血熱少於風則痒熱
盛於風則痛而腫

方

內塞散

一名防風散
出聖惠方

治大瘡熱退膿血不止瘡中肉虛

疼痛排膿

防風

去

白茯苓

去黑皮

白芷

桔梗

剉

遠志

去

甘草

炙

人參

芍藥

當歸

焙切

黃耆

剉

肉桂

去

麝

皮半

附子

二箇

泡裂

厚朴

去麝皮生薑

赤小豆

合

酒浸

之

右搗羅為散酒調下二錢日三度一方無酒用黃芪

湯調下

白蘚皮散

出聖惠方

治遍身熱毒瘡及皮膚瘙癢發躁

白蘚皮

子芩

川升麻

玄參

白蒺藜

微炒去刺

桔梗

去蘆頭

前胡

去蘆頭

百合

甘草

炙微赤剉

梔子仁

各半

兩馬牙硝

一兩

麥門冬

一兩半去心焙

右為散每於食後以薄荷湯調下二錢

黃耆湯

出聖濟總錄

治瘡退風熱

黃耆

剉一兩半

生地黃

四兩

甘草

炙剉

麥門冬

去心焙

芍藥

黃芩

去黑心各一兩半

石膏

碎

芎藭

大黃

剉炒

人參

當

歸

一切劑
一兩

右剉如麻豆每服五錢用水一盞半竹葉七片煎至一盞去滓空心溫服日晚再服

犀角散

出聖惠方

治熱毒攻皮膚生瘡疼痛

犀角屑 木香 川升麻 吳藍 玄參 子芩

羚羊角屑

防風

去蘆頭

白蒺藜

微炒去刺

枳殼

麩炒黃去穰

甘草

炙微赤剉各一兩

麝香

一錢研細入

右為細散每於食後煎竹葉湯調下二錢

白蒺藜散

出聖惠方

治熱毒瘡瘙痒心神壅躁

白蒺藜

微炒去刺

白鮮皮

防風

去蘆頭

子芩

玄參

赤芍藥

梔子仁

桔梗

去蘆頭

川大黃

麥冬

去心

焙

前胡

去蘆頭

甘草

炙微赤剉各一兩

右為細散每於食後煎薄荷湯調下二錢

木蘭皮膏

出聖濟總錄

治熱瘡

木蘭皮

芍藥

射干

蛇床子

各一兩

白芷

黃

連

去鬚一兩半

黃栢

去皮

黃芩

去黑心

狼牙

山梔子

各一兩

豬脂二斤

右除脂外細剉如麻豆大先熬脂令沸下藥煎候白芷黃赤色以綿漚去滓麤合盛塗瘡上日三五度即瘥

甘家松脂方出肘後方療熱瘡尤啍膿不痂無癰

松脂 白膠香 薰陸香 各一兩 當歸 蠟 各半 甘草

草一兩並切 豬脂 羊腎脂 各半 生地黃 半合

右以松脂等末內脂膏地黃汁中微火煎令黃下蠟

絞去滓塗布貼瘡極有驗秘不能傳此是半劑

蛇床子散

出聖濟總錄

治熱瘡

蛇床子

乾地黄

各半兩

苦參

洗

大黃

生

木通

剉

白

芷

洗

黃連

去鬚各一兩

狼牙

半兩

右搗羅為散旋取臘月猪脂調塗傅瘡上日三五度

赤小豆散

出聖惠方

治熱毒瘡腫痛

赤小豆

糯米

各三兩

松脂

黃蘗

微炙剉

白礬灰

萬芑子

合三

黃丹

微炒

密陀僧

各半兩細研

右為末研勻用生油調日三兩次塗之

芎藭散

一名大黃散
出聖惠方

治熱瘡多膿汁

芎藭

大黃生

白歛

芍藥

黃連

去鬚

槐皮

剉

龍

骨

火燒各
半兩

右搗羅為散塗傳瘡上日三五度一方無芎藭

紫金散

出聖
惠方

治一切熱毒瘡

紫草

黃芩

漏蘆

車前子

黃蘗

各半
兩剉

赤小

豆

糯米

各一合
炒焦

右為末以生油調令稀稠得所日三塗之

人參龍骨散

出十金方

凡患腫皆因宿熱所致須服冷藥瘥

後有患冷利不止者

人參 龍骨 赤石膏 甘草 乾姜

各三兩

附子

一枚

右咬咀以水八升煮取二升半分三服每服八合

麥門冬湯 治體卒生熱瘡

麥門冬

去心焙二兩

豉

炒一分

人參

三分

桑根白皮

剉一兩半肉

桂去皮甘草炙剉

右麤搗篩每服五錢用水一盞半葱白三寸切同煎至一盞去滓空心溫服晚再服

紫草膏

出直指方

治熱瘡

紫草茸

黃連

黃栢

漏蘆

各半兩

赤小豆

菴

豆粉

各一合

右搗細入麻油為膏日三傳常服黃連阿膠丸清心

又方

出直指方

治熱瘡淫濕

南星 半夏 黃栢 黃連各一分 五倍子煨 號丹

各半分

右細末糝瘡加煨白礬更瘡加雄黃

熱證平血飲

出危氏方

治偏身生瘡膿血聾腫極痛極癢

乾葛

赤芍藥

升麻

各一兩

粉草

五錢

天麻

加

蟬蛻

加

右挫散與人參敗毒散合和生薑薄荷生地黃麥門冬去心煎不拘時候服大效

臘粉膏

出聖惠方

治熱毒瘡腫痛

臘粉

胡粉

細研

黃連

去鬚為末

甘草

生為末各一兩

松脂

半兩猪

脂

六兩鍊了者

右先以猪脂煎松脂花後去滓下四味攪勻堯合盛用每日三四度塗之

狼牙湯

出聖惠方

治熱毒惡瘡淋洗

狼牙

赤芍藥

白芷

黃藥

丹參

各五兩

川大

黃

三兩生用

右細剉分為六貼每度一貼以水四升煎取二升半去渣看冷暖洗之日三度

黃芩湯

治表熱實身體生瘡或發瘡癰大小便不利

梔子仁

兩半

知母

焙

甘草

炙

黃芩

去黑心

各一兩

大黃

剉炒

兩

右麤搗篩每服五錢水一盞半煎至一盞去渣入芒

硝一錢空心溫服以利為度未利再服

二參丸

出聖濟總錄

治熱瘡

玄參

苦參

烏頭

炒裂去皮

臍用之

何首烏

各二兩

丁香

分一

右搗羅為末麵糊丸如梧桐子大每服二十九至三十丸空心鹽湯下日三

金露散

出瘡科精要

治時氣熱毒瘡

黃栢

一兩

白朮

白歛

雄黃

各二錢半

寒水石

生一兩半

右為細末無根水調以紙花紙貼或掃亦妙

密陀僧散

出聖惠方

治熱毒惡瘡鼻爛久不生肌

密陀僧

雄黃

雌黃

定粉

各半兩

膩粉

三錢

右研為末先用柳枝一握生甘草一兩槌碎以漿水
二升煎六七沸去滓稍熱淋洗瘡後以藥傅之

竹茹膏

出醫方大成

真麻油

二兩

青木香

半兩

青竹茹

一小團

杏仁

二七粒去皮尖

右用藥入麻油慢火煎令杏仁色黃去滓入松脂末
半兩熬成膏子每用少許擦瘡上

四聖丸

出傳信適用方

治熱毒風瘡

何首烏

蔓荊子

苦參

荊芥穗

各一兩

右生為細末酒糊為丸如梧桐子大每服二十九至

三十九溫酒送下

水銀膏

出聖惠方

治熱毒瘡亦治頭中惡瘡

水銀

并胡粉入少水研星令盡

胡粉

松脂

各二兩

猪脂

半斤鍊了者

右先以猪脂煎松脂令消次下水銀胡粉攪勻甕器

中盛旋取塗瘡日二〇胡治云療兒頭面瘡加黃連

二兩亦療得禿瘡

大黃散

出聖惠方總錄

治熱毒瘡腫

大黃

剉炒

赤小豆

各三兩

石灰

一兩

右搗羅為散用醋調塗傳瘡上日三五度即瘥

大黃散

出聖濟總錄

治熱瘡

大黃

生為末

硝石

研各半兩

黑膠

一分

右先搗大黃硝石為末用醋半合鎔膠烱調散子如

糊塗傳患上日三五度即瘥

又方

出直指方

治熱止痛收汁先用大腹皮苦參白芷煎湯

泡荊芥洗次用止

地榆 苦參 白芷 黃連等分

右為細末入真蚌粉乾摻更痛加去皮菜豆

治身體生瘡熱毒似火燒爛赤方出聖惠方

胡粉 黃連去鬚各一兩 膩粉一錢

右為末用摻瘡上日四五度

又方出聖惠方

密陀僧細研 胡粉細研各一兩 黃連二兩去鬚為末

右研勻先以溫水洗去瘡痂拭乾日三四度傅之

黃連散

出仁存方

治風熱毒氣胳膊肌膚成瘡癢痛不止

黃連

一輕粉錢一兩

右為細末入輕粉和勻瘡乾燥生油調塗有膿汁乾
捻在患處一日兩三上

黃連湯

出聖濟總錄

治熱不散體生細瘡

黃連

去鬚四兩

芒硝

四兩

右先將黃連以水一斗煎取七升去滓下芒硝乘溫
洗瘡上冷即再煖洗日三五徧以瘡為度

治皮膚熱生瘡及皮熱方

苦參 地龍

去土

右等分為末醋糊丸每服三十九空心酒下溫漿亦可

青金散 治一切熱毒膿窠瘡

青黛

一兩

寒水石

一兩

煨過蘇為度

右為細末用香油調搽

茄子角方

出聖濟總錄

治熱瘡

先取生茄子一枚割去二分令口小再去瓢三分似一罐子合於腫上角即消如已出膿再用以瘡為度

地榆根湯

出聖濟總錄

治熱瘡

以生地榆根二斤洗切細剉以水一斗煎出五升去滓溫洗瘡上冷即溫日二度瘡

治熱瘡

搗蕪荑和猪脂塗瘡

白金散 治風攻注毒便及手足生熱瘡疼痛有黃水

出者

用桂府滑石為細末先用虎杖甘草豌豆各等分約半兩許二椀水煎上項藥煎至二椀去滓微熱淋洗瘡水冷拭乾上搽滑石末冷通便睡至明決愈

治遍身熱毒瘡痛而不痒手足尤甚粘着衣被夜不得

睡及治頭瘡

出危氏方

多取菖蒲為末布於簾上使病者恣卧其間仍以衣被覆之五七日瘡愈疹瘡爛用艾葉亦可一方用末

傳瘡上

苦參丸

出醫方大成

治肺受熱毒遍身生瘡及治火丹

用苦參為末粟米飯和九梧桐子大每服五十九米湯送下或為末水調傳丹上

治熱毒赤瘡子心神煩熱

出聖惠方

用梔子仁二兩以少酥拌微炒為細散每於食後以溫水調下二錢

硝石水漬方

出肘後方

治服丹石人有熱瘡疼痛不可忍

用硝石研末以紙撚作繩如指大累起圍腫上取硝
石填令滿以匙抄新汲冷水澆令濕候覺寒冷不痛
即止日三四徧瘥為度

密陀僧散

出楊氏家藏方

治熱毒攻注遍身生瘡臭穢不可近

者

黃連

去鬚

密陀僧

火煨別研

香白芷

白歛

已上各半兩

膩粉

半錢

右為細末先以鹽湯洗瘡次用生油調藥以翎毛傳

之

五參丸

出澹
蔡方

凡瘡無有不屬腎心者赤而痛乃心經熱

痒而黑乃心腎虛皆當兼服此藥

人參

杜參

玄參

苦參

沙參

分等

右為細末麵糊丸熟水吞下本草無杜參一方用紫參即沙參之紫花者亦名杜蒙

羚羊角散

出朱氏
集驗方

治一切濃泡熱瘡及發背

羚羊角

黃耆

生熟地黃

川芎

當歸

芍

藥

右等分吹咀每服三錢水一盞煎八分空心服

鹿角九

出朱氏集驗方

治療同前

鹿角

劉

黃著

炙

右等分却入羚羊角一半蜜九地黃酒下趙龍學病
虛服之剛劑多劉立之云必有瘡疾服此藥後不發
止遍身發細瘡用生地黃汁解白餅酒常服兼進前
方服之遂無事蓋鹿角散血羚羊角消濃兼用鍾乳

鹿茸為丸服之

治熱瘡

出本
草

以蚯蚓屎鹽研傳之

治熱瘡

出本
草

以田中螺肉搗碎傳瘡上

治熱瘡鮮諸毒

出本
草

以藍澱傳之

治熱瘡

出本
草

以水萍搗汁傅之

治身皮瘡熱氣

出本草

以牛扁作湯浴之

治大臄熱瘡及疥瘡

出本草

以活蟬搗碎傅之

治火心瘡

出本草

以慎火草根濃研取汁塗患處

癩瘡

附論

夫經謂汗出見濕乃生瘰癧蓋熱盛汗出陽氣發泄而
腠理踈反以寒水洗浴則熱氣內鬱於皮膚腠之間輕則
為瘰重則為瘰也世俗通謂之瘰子瘡其狀皮肉如毫
針所刺徧體細瘡如麤片愈而復發者是也

方

玉粉散

出御藥院方

治熱汗浸漬成瘡腫痒焮痛

定粉

一蛤粉九兩兩半

石膏

白石脂

白龍骨

各半兩

滑石

粟米粉

二兩

寒水石

燒通赤於淨地上放冷出火毒一兩

右為末再捻極細勻每用藥乾擦患處

七寶散

出御藥院方

治熱汗浸漬成瘡痒痛不已

黃耆 當歸 防風 荊芥穗 地骨皮 木通

各三兩 白礬 一兩

右為麤末每用藥一兩水三碗煎五六沸瀝去滓稍熱淋泄患處拭乾避風少時先師東垣老人論次方城北獨柳店之客舍有推江軸者皮膚皴裂不任痛兩手不能執轅足不能履地而輒止宿因製此藥與

傳之即効明日遂行自此屢用屢効

赤石脂散

出聖惠方

治瘰子磨破成瘡宜止痛生肌

赤石脂

細研一兩

黃蘗

去粗皮剉

臘茶

末各半兩

白麵

二兩

龍腦

半錢

右搗研為細末每用時綿搥撲之

葛粉方

治夏月瘰子及熱瘡

葛粉

三兩

石灰

微炒半兩

甘草

生用為末一兩

右研細末每服用時綿搥撲之

滑石粉方

治夏月瘰盛

滑石

研

菜豆粉

研

棗葉

乾者為末
各一兩

右合研為細末徧傳之

治熱癩瘡方

乾炭灰

半

石灰

半

合微炒

棗葉

半斤

右為細散先以溫漿水洗瘡後以藥傳之瘡

蛤粉散

治夏月抓破皮膚成瘡

蛤粉

白礬

許各少

胡桃

一箇

燒

灰

右研細油調塗之

龍腦粉方 治癰瘡痒痛

龍腦

錢一 粟米粉五兩

右研細末先用棗葉湯洗後綿搨撲之

玉女英

治夏月癰瘡痒痛

一名癰子 滑石粉

菰豆粉

四兩 微炒 滑石 半兩 研

右拌勻如粉綿撲之

棟花粉傳方 治癰子癢痒

以苦棟花不拘多少焙乾細為末入蚌粉滑石末各

少許研勻日頻傅之

丹惡散 治夏月痱瘡

取舊屋梁上刮取舊赤白羅末傅之

治暑月肌膚瘡爛或因搔及汗抓成瘡出水汗出生卧濕地多是大暑傷肌膚

取乾壁土搽細末傅之隨手即瘥

治夏月痧痢子痒痛

用新汲水椰蒿汁調蛤粉傅之雪水尤妙

又方

以剪草汁調蛤粉傅之剪刀草即慈菰葉也

治熱癰瘡

以棗汁搗之和葛根汁尤妙亦治熱瘤

一方棗葉乾為末和葛粉

之

治暑月汗漬腋下赤腫及癰瘡

以臘和拌粉傅之立瘥瓦木上以雞毛羽掃取收蕘
瓶中持久亦不壞可用或用霜亦可一方加滑石末

豆粉同和勻無雪水則用新汲水調塗或日乾撲之
又方

用升麻煎湯洗仍須先飲一盞如神

治瘰癧法

用黃瓜一枚切作段子擦瘰癧子上

玉粉散 治瘰癧

寒水石

四兩火煨紅取出地上去火毒

井泉石

二兩生用

腦子

半錢

右件細研新水調傅乾撲亦得

治癰子

用冬瓜切摩甚良

治癰瘡英粉方

用粟米浸累日令敗研澄取之傅瘡尤佳



欽定四庫全書

普濟方卷二百七十四

普濟方卷二百七十四